

石田先生文集

四



石田先生文集卷第四

五言絕句

雪中登郡城西亭十首

躡雲上層臺娟娟撫脩林雜佩遺江妃  
遠響聽幽禽

澗谷垂寒藤水光見魚影歲暮風雪交  
敲瓶煮茶茗

梅蘂發寒樹孤芳寄江沙忽得雲母屏  
光色凌歲華

燎炷薰我衣出逢歲寒友澗壑多幽陰  
觴酒且擊缶

飛花墮橫塘鏡影照宮額天路昭華管  
吹香慰幽客

石路屐齒滑天風吹高寒花明喜珠綴  
竹瘦愁露溥

日讀種樹書自喜豐年瑞籃輿行田間  
相勞與嗣歲

兔跡行可尋馬力寒亦勁馳獵意已銷  
獨坐有嘯咏

楚甸無層冰霰霏土膏濕更怜三角湖  
澄澈瑩



寒碧

濛濛翳江嶼，艤船夜問酒路逢。白髮翁憔悴看魚笥。

聞笛

昔在楚江上，笛聲來夜船。江深魚龍動，明月上高天。

題崑屏隱士

採藥緣山去，彈琴傍澗居。隱君多道意，曾得茂陵書。

弔節婦

白日松臺闕，青山石槨沉。空餘哭夫淚，下入九泉深。

題四皓圖二首

不聽高皇召，還來太子宫。阿嬖人疑禍，吾恨紫芝翁。

鴻鵠歌雖壯，長門事可憂。聞名紫芝客，終不似巢由。

蜀葵

風簾晝浮艷，露庭曙含滋。不見牧抵翁，漢節空蕤蕤。

崑州判官王善父家望岳亭

眉目凜松桂肘腋凌烟霞終慚隱君子歸去西  
移家

僧院蜀葵

紫暈成丹景黃粵綴綠幢何因女冠子却近老  
僧窓

間題樹葉上

秋意鳳城多涼颼柰夜何題詩滿霜葉不見洞  
庭波

題趙子昂承旨墨竹

汲澗急連筒發船思長篙春雨篔簹孫會長拂  
雲梢

李夫人畫竹

夫人閨房秀手洒千畝雨不見蒼梧妃彈瑟瀟  
湘浦

馬戶

日午炊烟起人家半是農賣田當保馬無褐過  
三冬

桐江

青山圍縣郭碧樹出旗亭千里桐江水分明是

醪醑

朝歌

霧黯山沉樹風號路起塵朝歌醉王死周室又歸秦

墨竹扇頭

冰紈已却暑况此碧淋琅好伴玉麈尾涼颼滿高堂

山水圖

石壁雲生樹濤江雨闇船居人屬仙籍長負免丁錢

卷四

四

謝杏

杏子黃金色筠籠出薊丘未甘醒午寢可是督詩郵

乞扇二首

端午蒲葵扇郎官寫贈人如何老供奉不得障清塵

紈扇裁團月當知織素人撲螢還有妬障面却無塵

李陵臺二首

故國關河遠高臺日月荒頗聞蘇屬國海上牧

羝羊  
蹄林聞野祭漢室議門誅辛苦樓蘭將淒涼太  
史書

歐陽原切銘馮少府墓

古鼎刻龍文新銘少府君欲聞蒿里挽零露濕  
秋墳

畫鷹

側視窺霄漢低飛近草萊金鞵時一脫肉飽更  
須回

題猿圖

卷四

江渚無來鷹山樊有宿猿秋高盧橘熟巴月樹  
連村

送客西歸

陸機初入洛王粲却歸秦春草無愁思楊花送  
遠人

偶成

山中木葉落江上水波生自是年年事漁樵不  
必驚

黃河

塵海東南下雲山西北高黃流蕩中瀉萬古費

波濤

舟泊徐州

河發崐崙水天吹廣莫風徐州城下宿一日過  
淮東

貞節馬氏

天上圓月虧人間歡扇離千年哭夫處即是結  
襦時

節婦張氏

磨筭山月寒織素機石冷閨深鏡塵奩泉咽水  
結井

卷四

龍眠十六賢圖

林下石床方溪邊竹影涼高人千載意山水寄  
餘光

送邵從聖官臨淮四首

白髮滄洲叟今為漢戟郎逢君淮上去竚立望  
歸艍

素月生淮浦青山對縣門勸農明府在種樹長  
兒孫

春水淮魚美秋田楚稻香翰林多故事君莫棄  
書囊



少小淮邊住，蟪珠不易求。日知新縣令，齋馬問春疇。

四愛圖 蘭 蓮 菊 梅

湘纍能楚辭，猗蘭為之佩。千載得涪翁，幽姿未憔悴。  
瑩膚中含滋，鮮彩外發藻。晚紅詠池酣，晝鉉歌岸裊。  
的歷黃金華，秋日媚堦徑。南山種秫翁，飲酒不得盡。

鐵色僵萬木，江南梅有花。枯蘚纈古錦，明英冠

春葩

獨石

秋瀨喧石梁，臨流不肯渡。與客坐忘歸，山寒日將暮。

題王氏樓二首

岑樓臨曲水，小檻背重城。懶慢淮南客，終須掉臂行。  
乳燕穿花去，倉鶯拂樹來。淮天春又夏，獨立意徘徊。

七言絕句

節婦馬氏二首

織素鳴機曙未分  
寒風吹裂嫁時裙  
官家莫去催租賦  
孀女無心刺綉紋

老姑白髮垂眉短  
新婦青眉照鏡長  
四十年来門戶好  
風流今見兩兒郎

楊妃墓

漢廟衣冠照碧燐  
唐陵翁仲作黃塵  
馬嵬坡上棠梨樹  
猶占秦原幾日春

卷四

八

子

帥臣子劉宗道藏其父之詩請跋

將家子弟讀兵書  
欲斬樓蘭換印魚  
獨有劉郎偏醞藉  
阿翁詩句作儲胥

鎖院獨坐書事口號七首

松間行屋無人到  
恰似蓬船泊浪中  
午夜風聲敲雨點  
夢迴錯認是漁翁

玉署之西松幾樹  
那知當日是誰栽  
若在山中濯雲霧  
更有鶴巢無數來

蜀相切業少陵知  
萬古千秋更有誰  
瀘水東流奏嗚咽  
褒中春亦草離離

東山百尺瀑布泉  
跳珠濺玉鳴  
夜絃綠樹冥冥  
野花落鶯啼  
春曙雨晴天

門前柳枝垂碧絲  
閨中怨女惜春時  
剪衣自縫  
寄征鴈  
不對粧奩畫黛眉

洛陽酒價斗十千  
高樓青旗真可憐  
牡丹芍藥  
趁時節  
王孫買笑擲金錢

吳娃梳粧趙女妬  
楚王置酒章華臺  
走馬還宮  
張夜樂  
誰知樂極却生哀

南城二首

城南牡丹一百本  
翰林學士走馬來  
渡水楊花

卷四

九

逐飛燕  
薊中芳草送春迴

粟侯亭前花一園  
客來日日費金錢  
明朝碧樹  
春城合恨不  
江東問酒船

與猗猗子山郎中時祈雨長春宮

中郎齋沐醮呈官  
風馬雲車下石壇  
深夜步虛  
詞更響  
要將靈雨濕春乾

題劉伯宣哀挽詩

揚子橋邊水正波  
薜蘿蕪秋草偏  
陂陀江潮日日  
風聲急似為孤臣  
賦九歌

送文璋甫入蜀省幕

蜀國海棠紅似錦况在濯錦江水邊見君西去  
飲君酒恨無成都賣卜錢

### 慶陽

首着春原塞馬肥慶原三月柳依依行人來上  
臨川閣讀盡碑詞野鳥飛

### 驪山三首

繡嶺春來綠樹圓東風吹影入溫泉華清夢斷  
飛塵起玉鷹銜香墮野田

玉女泉邊翠藻多石池涵影媚宮娥可憐繡嶺  
啼春鳥猶似梨園弟子歌

### 卷四

華陰道士長松下留我煎茶看古碑衣上征塵  
都莫洗天風一夜為君吹

### 洛中二首

龍門三月洛波清正是花時過故京尊酒不來  
芳樹遠碧雲初合暮山橫

東望梁園是故鄉懷歸夜夜夢池塘春城碧樹  
淮南路飲酒當年似漫郎

### 河隍書事二首

陰山鐵騎角弓長閑日原頭射白狼青海無波  
春鷹下草生磧裏見牛羊

波斯老賈度流沙夜聽馳鈴識路賒採玉河邊  
青石子收來東國易桑麻

七夕舟中苦熱

嘗憶銀床桐泣露更思玉枕蕉流漿天孫初嫁  
龍綃薄却恐秋河入夜涼

戲馬臺

將軍一叱廢千人未可掀髯便咲秦枉築高臺  
閑戲馬漢王將地擬功臣

春日即事

梨花白罷海棠紅誰為韶光次第切小閣捲簾  
春事晚竚看蝴蝶過庭東

卷五

十一

題携壺圖

席帽遮頭過野橋詩筒酒榼六蕭蕭黔婁吟罷  
還清渴欲問先生借一瓢

歌風臺

祖龍無廟托孤魂羽泣妖姬死更奔獨有沛中  
隆準客歌風臺上望鄉村

集袁王二學士詩為首二句祖常足成  
之

石城月落鴉栖堞秋浦天青鴈拂簷春送亂紅

浮酒面山飄空翠濕書籤

送奧屯遂素副河南憲

絳闕雲低白晝遲夫容露下倚秋池  
船篷打雨淇門岸却憶京華把酒危  
河水渾黃積石來大梁城下怒如雷  
今年宿麥深何許使者行田看幾回

送胡古愚還越四首

越江秋水得霜清夜夜天南嫠女明  
客子布衣風又急世間無用是才名  
北風吹鴈不成行揚子江邊上夜航  
剡紙題詩

蕃

三

三百首人來為我說錢塘

秋樹紅時客欲歸江寒潮小鷺空飛  
東陽有酒賒來飲莫問桐廬借釣磯  
送客歸山天正霜吳江蠓美橘初黃  
上林千樹櫻桃熟莫戀金華是故鄉

過故相宅二首

故相門閑草自春宅基一半屬他人  
可憐掉臂當時客盡似風吹路上塵  
瓦墜當簷燕不來白頭老妾賣花栽  
舊時小吏今身貴羞近門西上馬臺

題賈氏卷

風樹纏悲墟墓哀野人一日赦蒿萊雍門不用  
空彈淚曾見漢家翁仲來

題水仙花圖

帝子湘南住白瑤苔生釵股織龍綃藥香金粟  
誰分劑閑闔蘭若上翠翹

龍眠畫馬

海國秋生漢使槎麝煤誰畫濯龍駒只今  
主如文帝留待時巡駕鼓車

孝子徐生卷

署表誰封孝子門徐生刲股兩親存翁婆白髮  
他年去相對含飴喜弄孫

閩浙之交 五首

月出山頭犬吠雲隔林鍾磬鶴應聞老僧見客  
閑留坐風落松花滿寺門

閩嶠人居罨畫圖客行直欲望京都筍輿軋軋  
相思嶺秋雨空蒙叫鷓鴣

九曲清溪下見魚雲林擢擢對高居南朝文物  
今都盡惟有先生幾卷書

路入閩中盡翠微家家蕉葛作秋衣石墻遮竹

松園屋時有丹禽哺子歸  
山溪秋瀨急飛淙萬斛跳珠濺石砭  
閩女唱歌來漂苧素馨花插髻中雙

桐廬縣

江上船歸暮雨踈山中木落早秋初  
天寒沽酒桐廬縣醉擬嚴光絕漢書

跋扇頭郝隆曬書圖

腹笥便便注五經天邊夜半失文星  
蠹魚不覺芸香苦肯信腸中有汗青

出都至治元年春夏交二首

卷四

十四

東

京塵冉冉歲華新重向都門問去津  
西日嘶山沙水晚通州城下雨沾巾  
路水年年沙際流都人車馬到沙頭  
獨憎楊柳無情思送盡行人天未秋

雲坳亭

八月淮南鴈又來雲坳亭畔菊初開  
莫言野客渾無事臨水閑行日幾回

瘦馬圖

營司牽浴柳邊池玉沫垂嘶步較遲  
洗到箭瘢應有恨將軍忘却未侯時



趙氏宗室畫水石

生平已失趙王孫竹素何年畫石根萬里南雲  
秋似水直容艇子到柴門

和王左司韻三首

仙官紫府醉霞觴不信人間白髮長走筆題詩  
三百首敲門先送大中郎

紫橐詞臣詠羽觴巴牋十幅筆花長却嫌嗜酒  
揚雄惡苦向當年作戰郎

松醪灑灑泛瑤觴玉署承恩化日長阮籍一生  
都為酒步兵當與晒禪郎

贈王左司二首

崇真仙酒初相送明日禪僧又見招那似中郎  
深閉閣終朝對雨寫甘蔗

觥船送酒濕宮袍供奉新詞白雪高却念故人  
天近處奏書千牘坐東曹

上都翰苑兩壁圖

寒江釣雪  
秋谷耕雲

欲賣韓家舊石淙釣魚竿底是寒江淮南十月  
蒹葭岸曾見水花到小窓

突兀秋雲不可耕槎牙老樹半枯榮上京玉署  
清涼境閑伴鰲峰作弟兄

調繼學左司

七字詩高畫不如直從龍領摘明珠朝行自避  
郎官貴豈是今朝見大巫

題左司帖郎中扇頭

縹禽閑上海棠枝彷彿江南二月時  
蘭署名郎心似水冰紈底事送涼颼

獨立

玉署涼生試袂羅堦庭新雨長青莎睡醒獨擬  
三都賦不換人間瑞錦窠

題華嚴僧筠軒

李涉閑時過竹院虞郎行處賦筠軒  
山中兩閣書合碧玄鶴飛來印石痕

詔燕 二首

萬戶千門取意過銜泥葺補舊時窠  
飛鳴上下渾無事會引新雛避雀羅

風雨池塘鬪頤頰春來秋去一生忙  
世間多少寬閑境辛苦營巢傍屋梁

送焦德元先還大都監金經及省問家

事 二首

塞領松濤搥鳥窠歸人天際裊鳴珂  
水盤丹果

維摩室百斛金泥寫貝多  
到家紗縠已熏香浴罷披襟對晚涼  
千樹碧梧陰滿地不思仙館日偏長

送虞山周道士

崆峒移得三珠樹獨向江邊種  
未成南國祇應仙露少却來天上瀉金莖

送侯崑亮

西南萬里青山路君在峨眉第幾重  
莫愛平羗江上水明年京國約相逢

贈道士謝草池

昨日西宮謝道士獨抱古琴歸洞房  
半晴半雨天氣潤不出山門秋晝長

五月芍藥

紅藥花開端午時江南游客苦相疑  
上京不是春光晚自是天家日景遲

潘居士施飯

飯飽千僧洗鉢歸生臺飢鳥拂簷飛  
山中丈室維摩病獨向長松掛衲衣

弘州孫同知禱雨

神龍分雨掣靈旗一夕銀河注野陂  
山下龜田

禾黍滿州人謠舞太平時

駿馬圖

天馬西來入帝閑風髣霧鬣駁文班房星一夜  
光如水却怨龍媒萬里還

李伯時陽關圖

自古人生苦別離邊頭征戍更堪悲滑城客舍  
無楊柳閑愁當年李伯時

買閑侍郎父監宣城禱雨應

名郎文采動儀曹却是宣城有鳳毛聞說當年  
靈雨應山田六月水連槽

驪山圖

萬戶千門春殿開溫泉花發翠華來可憐十月  
無陽節獨見浮波玉鴈回

赤壁圖

三國周郎赤壁西江山雖好夕陽低他年銅雀  
分香妓猶恨回船戰炬迷

貢院次曹子貞尚書韻

四首

漢家東帛聘諸儒狗監何須奏子虛大比南宮  
誰第一白袍當殿賜銀魚

龍門雷鼓響豐隆百箭穿楊技不同大上河魚

還繫水邊飛，宋鷁豈搏風。

杏園三月換銀袍，燕子西飛背伯勞。賦罷長楊傳唱急，天門金榜日華高。

紅綾餅啖出宮闈，錫宴恩榮玉殿西。白髮詞臣曾射策，榜名欣見武都泥。

第一場觀進士入院圖

畫省春風滿禮闈，綵繒雙表日暉暉。文章筆橐三千士，爛爛奎星近太微。  
殿試和史叅政韻

五雲天近晝香殘，紅白花枝滿藥闌。一夜東風吹小雨，殿頭持卷隔簾看。

題道友舒貴和扇

吳蠶八繭素絲多，乞與天孫織扇羅。水雪地清天不暑，月中仙子種杪樞。

宗高宗書光武度田圖

漢家自有雲臺像，誰取丹青畫度田。宋主欲興江左業，却將書字送長年。

流鶯

喬木繁陰晝景舒，檀欒綠色滿堦除。京都三月花飛盡，繞聽流鶯一轉初。

暑雨

涼生紗縠玉秋清  
雨氣霏霏滿鳳城  
湖上荷花雲錦爛  
不能臨水一閑行

沛縣水

霜氣漸寒河未冰  
野雲抹空起層層  
略約橋邊沽酒市  
夜深篝火看魚罾

淮上初見吳牛 二首

五年衣上屬車塵  
自向澄江一洗新  
長角吳牛尾黑色  
仰鳴知我是耕人

獨愛江邊黑牡丹  
新編龍具不知寒  
春來高價如金貨  
背上童兒爾好看

雨霽

五月天街雨霽時  
千門楊柳綠參差  
日斜暑氣清如水  
手拂雲光下鳳池

官曹供水

方冰一尺石盤光  
冰玉沍澌海上方  
何但竹林堪避暑  
京華白日似年長

蜀道士歸儒

青城羽客燒丹罷  
要近東家問六經  
却笑山陰癡道士  
白鵝閑覓寫黃庭

贈柯敬仲手澤

三十昂藏一丈夫阿翁手澤宛如初梁園奏賦  
雙枚健趙括空能讀父書

功德使三旦八箴

英宗皇帝所賜御書中有御製詩云月  
色清吾心日光照吾民十字大哉君人  
之言也又云明仁殿書賜旦謹贊詩四  
句于後

英皇朝坐明仁殿賜旦新書日月中河漢昭回  
光氣在淒涼空抱小臣弓

卷四

三

畫牛二首

龍具春來掛屋敖青泥過腹雨耕勞田間獨仰  
聽風鼻不信空山野兕號

江岸騎牛襪襖翁夕歸對婦詫田功世間無客  
曾相識惟見驚飛幾鴈鴻

丁卯上京四絕

山雨晴時已是秋苑中行殿日華浮長楊十萬  
旌旗宿不使飛霜入畫樓

離宮秋早仗頻移天子長楊羽獵時白鴈水寒  
霜露滿騎奴猶唱蹋歌詞

海國名鷹豈鶻胎渥洼天馬是龍媒明時不惜  
黃金賜只欲畚王萬里來  
持橐詞垣已賜金對衣傳拜更恩深何如坐索  
長安米只有歌詩滿翰林

贈故人

短檠曾共雪窓書誰謂西河久索居青眼忽逢  
人更好白頭相見意何如

叅議府坐贈左右司郎官

西曹清峻東曹劇綠水紅蓮兩幕開獨有議郎  
官似我手持書字近三台

卷四

十一

寄王師魯

久憶辟雍王博士新詩不寄一篇來忽逢驛使  
天邊去欲折梅花恨未開

春風御馬圖 二首

龍種拳奇十二閑進來新自玉門關連錢楮白  
生珠汗天子長楊羽獵還

春風楊柳華山陽肥澤都能照地光天下太平  
無汗血還堪立仗事君王

樞府書事

官冰一尺石盤光丹果秋來雨後香幸喜太平



書檄少坐聞松露滴清商

蔡琰圖 二首

胡月還如漢月圓龍堆沙水咽哀絃文姬此夕  
穹廬夢應到春閨舊鏡前

蹋歌誰唱木腸兒頗念中郎哭女時衛霍不生  
陵不死望鄉臺畔盡相思

贈溫迪罕平章致仕 二首

射虎原頭白草秋將軍年少已封侯老來髀肉  
都消盡無柰黃狐上野丘

玉帶金魚舊相臣集仙殿裏寄閑身長安三月

卷四

七十三

花如錦對酒休愁白髮新

昭君

旂車百輛入單于不恨千金買畫圖爭似山中  
插花女傍家只嫁一田夫

御溝春日偶成 四首

御溝流水曉潺潺直似長虹曲似環流出宮牆  
纔一尺便分天上與人間

拍拍春波滿御溝酒釀花艷柳枝柔江淹空有  
文如錦不得千金買莫愁

春波十頃碧琉璃白日樓臺照影時好着畫船

都載酒半酣西望碧參差  
水南沙路雨清塵桃李花開蛺蝶春三月京華  
寒食近東風十里酒旗新

題墨竹

山雨蕭蕭濕翠旌雲中仙度鳳吹笙苔永生滿  
空林石放鶴歸來獨自行

題徽政院畫壁

脉脉晴雲度硯池午窓冬煖日光移畫屏十幅  
丹青古山水亭臺是處宜

寒林積雪

畫角樓頭初一疊隴上寒雲已飛雪樹槎鱗鮫  
老龍立青林何年烟雨濕

送天錫秀才

月宮丹桂三千樹都是嫦娥手自我誰折一枝  
江上種秋風不到也花開

道士階下生竹

渭川淇園有閑地如何屈曲在丹房應是葛陂  
化龍種空教詩客詠簞簞

道士山房

高梧踈竹清秋裏過鴈流雲細雨中石蘚湯堦

連碧繡肉芝綠壁長丹紅

鶴

一聲清唳九臯秋竹裂松搖不自由老衲彈琴  
來度曲粼粼沙水枕門流

趙中丞折枝圖

牡丹 夫容

石榴 山茶

洛陽春雨濕芳菲萬斛胭脂染舞衣帳底金盤  
承蜜露東家蝴蝶不須飛

乘槎使者海西來移得珊瑚漢苑栽只待綠陰  
芳樹合蘂珠如火一時開

美香

廿五

丹粉惡洗妝天上影娥池

火齊珠紅拂翠翹石家步障曉寒消千枝腦炬  
燒春夜羯鼓催花打六么

代悼亡

燕子樓空花不開繡簾天晚月初來手痕留在  
紅牙板猶有餘香妬落梅

調虞伯生

聞君傑直奎章閣朝馬偏從小海過衣上落花  
紅雨滿馬鞍柳絮更如何

次王參政延福宮韻八首

五粒松脂下石扉山花春鳥拂簷飛道人自煮  
青精飯學得仙方上馬歸

仙子新開白鶴亭畫雲十二列山屏簾光香轉  
涼颼細坐讀南華問大庭

藥珠宮闕畫雲扉么鳳桐花白日飛水水藕絲  
清暑宴偷桃方朔醉忘歸

唐家漲水望雲亭三月千花隔障屏不似仙人  
華綠洞雙笙吹鳳五芝庭

太乙神來月轉扉石壇秋冷葉初飛丹方可是  
無消息遼鶴千年試一歸

卷四

廿六

道士南來說敬亭雲林千疊翠光屏寫書更問  
瀛洲叟幾日丹牀滿後庭

翠瓦金鋪白玉扉松階五色鳳凰飛夢中不覺  
神仙境却是彤庭得奏歸

草玄誰到子雲亭莫笑童烏短似屏學士橫經  
趨虎觀將軍躍馬出龍庭

宮相府閑題 二首

宮垣北對大長秋官醞瑤餅瀲灩浮玉府白頭  
老中尉興來求酒不須謀

揚花宛轉燕初飛江上春歸客未歸官府晝長

官事少鳳池人遠見還稀

題吳娃圖 二首

金蓮燭下看蛾眉應是吳王半醉時  
一自館娃宮壞後仙魂都上落花枝

千兩金盤浴小兒玉釵雙墮燕羌池  
繡窓白日無針線却咲羅敷不畫眉

秋鴈送客

千里清淮秋鴈飛山人歸去芟荷衣  
明時莫怨身無用獨向天南占少微

絕句 四首

水村山店屋橫斜行盡長淮恰到家  
雨雨風風六十日年光多半在天涯

空江木落月輪高千里清光見羽毛  
喚起長年夜吹笛右持杯酒左持螯

古城猶說漢期思土蝕苔堦楚相祠  
乞得寢丘人不奪千年泚水入荒陂

寒雲漠漠暝烟深溪上檀欒有樹林  
艇子回時雙打槳却如賀老在山陰

到家

山房百本梅花發盡是先生手  
自我不似旗亭

楊柳樹迎人來了送人回  
鴛鴦

比翼鴛鴦金縷衣沙頭雙立對晴暉情知愛此  
清江水不向南湖北澗飛

畫蠟

秋橙黃後洞庭霜郭索橫行自有匡十萬女真  
鳴鐵騎宮中長晝晝無腸

道士彈琴圖

龍門千尺高桐樹天上移來石上栽斲得春雷  
鳴玉澗青鸞黃鵠一時回

卷四

七

七

送王秀才南歸

梁園賦雪漢枚臯不去江南左把釐聽得吳船  
溪上發恨無青竹截長篙

送盧應奉

五更風雨送春歸人向天涯念別離忽得參差  
楊柳白還如張緒少年時

吳宗師送牡丹二首

仙家分得上林春淺白深紅間色勻走送隣翁  
還有意恐隨風雨落芳塵

十五年前花發時仙翁邀賞醉瑤池如今頭白

無情思只見瑤池花滿枝

寄王繼學

八詠樓高風月清故人持節駐江城老來不覺  
俱多病藥裹隨身處處行

題墨梅

花開不占洛陽春野店山橋雪月新豈是歲寒  
偏偃蹇還愁金谷墜樓人

題舒真人鶴峯

山中道士索題詩柿葉千層寫好詞不見籠鵝  
空揖去此生雖老可臨池

揚村

霜明野水曉粼粼蘆葉黃時少白蘋船上忽逢  
吳客子牽衣雙手拂征塵

絕句 三首

春雲五色建章西流水平橋兩岸低客子少羊  
光偏易御溝楊柳又鶯啼

一春不得見花開何況飛紅墮酒盃今日城南  
花萬樹看花不肯放春回

九陌初晴拂紫埃春衣花滿趁春回  
相傳語昨日堂前燕子來

雜詠

林石蒼蒼歲暮天花禽竹鶴占苔錢欲知丞相  
園亭好自斫溪藤付釣船

畫竹

海霧溟濛暗珠浦宮雲杳靄連玉田借刀重截  
十二管吹引鸞凰都下天

姚子中墨竹

高堂秋聲呈滿河玄雲洒雨參差多江中頭角  
蛟龍子夜風裂石將如何

舟中送于同知朱縣丞南歸

二首

青田鶴子秋風骨飛來鳩鵲鶴上鳴留得商聲

滿京國又將霜影過江城

青山白鳥坐中沒渭樹江雲別後思四海同年  
幾兄弟知君日有寄來詩

絕句 十六首

儂家姑蘇閭門外能唱春風白紵詞為君艷歌  
三五曲只愁別後苦相思

吳王蓮宮夜張樂急管哀絲翠簾幙可憐西子  
眉少顰坐使長洲百花落

西江畫舸販鹽郎白紵輕衫兩袖長不肯一錢



遺貧士却拚雙玉買歌娼  
維舟夜泊青泥渚楊柳千行八九家長年三老  
作吳語咲我烏紗角半斜  
十歲馳騎北地子八歲善泅越人孫魯國家家  
學絃誦西方在在講沙門  
天上冰蠶白雪絲裁成紈扇好題詩南風恰住  
西風起莫道班娘有怨詞  
閉門靜聽山鳥叫蒙籠草樹弄晴光泊泊野塘  
流細水娟娟菡萏落浴斜陽

初嫁郎時正盛年畫眉塗頰鬪婢娟只知百歲  
專房寵誰料君恩不似前

卷四

世

五

丹竈茶林鼠翻倒香爐經卷鶴為看一片孤雲  
無伴侶此君得得下仙壇

綠樹交陰亂鳥啼花工次第入紅葵日長棋局  
誰相稱睡起茶甌我亦宜

南溪荷花漲雲錦北堤楊柳絆晴烟留連禪客  
與詩客飄泊漁船共酒船

江南女兒年十五兩髻丫丫面粉光小紅船上  
採蓮葉北客初來應斷腸

盈盈小客抱琵琶歌舞王孫帝子家彈得開元

教坊曲金錢還只當泥沙  
道人何愛青山住為愛青山有雲樹一聲樵斧  
白雲中幾箇山禽自飛去

翡翠明珠載畫船黃金腰帶耳環穿自言家住  
波斯國只種珊瑚不種田

甬東賈客錦花袍海上新收翡翠毛買得吳船  
載吳女都門日日醉醺醪

戲荅王繼學

金錢賭酒夜走馬玉帶贈客春看花山東少年  
貴公子年年塞北慣風沙

閑題二首

視草堂深白晝遲瀛洲仙子到來時閤鈴不響  
文書靜相對鰲峰日賦詩

上京七月燕雛飛紫菊花開露入衣雨霽關河  
秋意滿南都應望翠華歸

萍玄卿華山隱二高士過訪不及迎見  
南城道士供朝飯借馬凌塵去趁鍾北館羽衣  
還覓我歸來自掃鶴行蹤

再荅萍玄卿并謝墨二首

京塵冉冉朝天馬辟穀仙人竹滿齋自寫烏絲

吟白紵好風吹我到無懷  
崇真宮裏秋風起海上人來見隱君  
留得麝煤三百劑天邊呼伴散玄雲

李老峪

李老峪中山繞屋半空嵐翠撲人衣  
倚窓不睡夜將靜欲倩松風送我歸

鷓鴣

山中騎馬又連朝秋雨初收暑尚驕  
誰借星橋橫兩頂天風吹動髮蕭蕭

孟陽逸士

洛陽季子一裘弊東郭先生兩履穿  
秋雨青泥過馬腹長鑱白柄斲山田

憶江南

江上鱸魚三尺長尊羹千里入船香  
人家石岸都平水眉嫵吳娃出後堂

載酒堂

春來海國荔枝紅都屬儋州秃鬢翁  
載酒堂高天地小風流豈在百年中

寄示男武子

爛熳天孫織錦機春風吹雨洗芳菲  
香泥滿地

臘脂濕只許新來燕子飛

訪柏堂宗師不遇

脩竹庭深犬吠門蕭蕭蘭若似山村主人賣藥  
城中去落葉聲乾鶴夢喧

寄柏堂

金水橋西天竺寺一來一度石苔新劉郎莫怨  
玄都觀去後桃花見主人

寄吳宗師謝古篆

黃帝外臣仙籍吏名香遠寄白雲峰山人焚罷  
談玄理散作烟霞一萬重

卷四

廿四

題柳道傳詩卷

九曲珠穿蟻度絲雙環鏡透月輪虧人間自有  
鸚鵡侶早奏簫韶見鳳儀

次韻王繼學

繼學前身乃楚州

淮地瞿曇悟風姿今生記得未生時轉羞薜荔  
無真說却訝夫容似近詩

三伏灤京酒醖同分飛鳴鴈怨秋風誰知山店  
前宵月只在廬全草屋東

題扇面

兩汀對出寒蘆折一鳥高飛古木疎無影無聲

何處鴈莫因菰米寄人書

明遠亭

霜寒江渚生秋影  
星繞天河下露聲  
歸鴈夕陽佳句在  
題詩應自愧平生

挽道士危切遠 二首

紫皇朝坐靈芝宮  
羽人往奏新宮銘  
笙簫不下鶴亦去  
蓬萊洲上種黃精  
海風吹折三珠樹  
蛻骨胎仙上赤霄  
石室丹經塵不隔  
道人他日寫甘蕉

送牟景陽 三首

江東船去載丹橘  
天北人來問碧雲  
知是故家書滿室  
茗溪他日約平分  
青袍孺士嘆淹留  
辭賦相如亦倦游  
桂樹山中生滿石  
借船同去覓滄洲  
龍虎山邊是上饒  
山中羽服盡逍遙  
春來筍蕨應無數  
况有仙家送酒瓢

和李彥方 七首

海碣盤盤揖帝鄉  
東華日近見龍光  
太常馬惡愁齋酒  
曹務休分騎省郎  
寄書日日問滄洲  
莫打江鷗與海鷗  
春水滿溪

畦稻發洛陽花好不須游

乞得閑官出謁遲讀書更不讀韓非京華楊柳  
千門日何處鳴蟬飲露肥

龍門八節奏雲和竹管新聲怨更多好向都城  
傳滿紙聯翩雕續過陰何

梁鳴杵曰北邙思百里令人賦庾廖王謝堂前  
雙燕好營巢了後更無為

百花落地蜂翅閑萬樹生陰鶯語闌海舶水邊  
求玳瑁玉田石上長琅玕

李白新裁柿葉書都人傳寫到天餘題詩崔顥

今重見老蚌含珠對望舒





